

Na osnovu člana 21.a. Zakona o zaštiti ličnih podataka Bosne i Hercegovine („ Službeni glasnik BiH“, broj: 49/06, 89/11) a u skladu sa Pedagoškim standardima i općim normativima za osnovni odgoj i obrazovanje i normativa radnog prostora, opreme, nastavnih sredstava i pomagala po predmetima za osnovne škole („ Službene novine KS“ broj 16/07) Školski odbor JU OŠ „Kovačići“ dana 25. 02. 2019. godine, donio je

PRAVILNIK

O VIDEONADZORNOM SISTEMU

U JAVNOJ USTANOVI OSNOVNA ŠKOLA „Kovačići“

-INTEGRISANI TEKST-

I PREDMET PRAVILNIKA

Član 1.

Pravilnikom o videonadzornom sistemu u JU OŠ „ Kovačići“ (u daljem tekstu: Pravilnik) bliže se određuje uspostava, pravni osnov, svrha, upotreba videonadzornog sistema u prostorijama škole i u dvorištu škole i opseg podataka.

II ODLUKA O VIDEONADZORNOM SISTEMU

Član 2.

Školski odbor JU OŠ „ Kovačići“ donosi odluku o uvođenju videonadzornog sistema u JU OŠ „ Kovačići“.

Član3.

Bliže odredbe o uspostavi, svrhi, potrebi, zaštiti i obradi ličnih podataka i završnim odredbama vezanim za videoadzor definišu se Pravilnikom.

III ZAKONSKI OKVIR

Član 4.

Zakon o zaštiti ličnih podataka Bosne i Hercegovine član 21.a predviđa uspostavu videonadzornog sistema.

Član 5.

U skladu sa Pedagoškim standardima i općim normativima za osnovni odgoj i obrazovanje i normativa radnog prostora, opreme, nastavnih sredstava i učila po predmetima za osnovnu školu predviđena je uspostava odgovarajućeg videonadzornog sistema u osnovnim školama.

IV SVRHA VIDEONADZORNOG SISTEMA

Član 6.

Svrha uspostavljanja videonadzornog sistema u JU OŠ „**Kovačići**“ jeste nepходna optimizacija sigurnosti učenika, uposlenika, roditelja i posjetioca škole, u toku nastavnog procesa u prostoru škole i školskog dvorišta; sigurnost objekta i imovine škole u periodu kada se ne izvodi nastavni proces (noćni sati, vikendi, neradni dani i blagdani, periodi kolektivnih godišnjih odmora).

Član 7.

Dozvoljena je upotreba videonadzornog sistema u smislu vođenja evidencija u skladu sa članom 43. Zakona o radu Federacije Bosne i Hercegovine.

V OPSEG PODATAKA VIDEONADZORA

Član 8.

Videonadzorni sistem obuhvata:

- a) Unutrašnje kamere i vanjske kamere.
- b) Nadzorne kamere imaju IR noćno snimanje i osjetljive na pokret.
- c) Uređaji za pohranu videozapisa deponuju i arhiviraju videozapise u trajanju minimalno mjesec dana.

Član 9.

Unutrašnje kamere pokrivaju glavne koridore, hodnike i komunikacije unutar škole kao i hodnik u prostorijama uprave škole gdje se deponuju matične knjige, registri i dokumentacija od trajnog značaja za rad škole.

Član 10.

Vanjske kamere pokrivaju prostor dvorišta škole, ulaze u školsko dvorište i prostor školskog igrališta.

Član 11.

Na ulazu u školu i kod školskog dvorišta postavljaju se vidljivi znaci obavjesti: **PAŽNJA OBJEKAT JE POD VIDEONADZOROM.**

VI UPOTREBA PODATAKA

Član 12.

Uređaji za snimanje (hard disc-ovi) i administrativni centar kontrole i obrade podataka nalazi se u uredu direktora škole, koji je kontrolor videonadzornih sistema škole.

Direktor može ovlastit pedagoga ili sekretara škole, kao i drugog uposlenika škole, da imaju pristup videonadzornom sistemu (u realnom vremenu ili pristup arhivi podataka) u svojstvu obrađivača podataka.

Član 13.

a) Kontrolor videonadzornog sistema jeste direktor škole kao odgovorno lice.

b) Kontrolor je odgovorno lice koje ima pristup monitoringu u realnom vremenu i arhivi videonadzora, te može slobodno da pristupa podacima i obrađuje podatke videonadzora u skladu sa članom 21.a *Zakona o zaštiti ličnih podataka Bosne i Hercegovine*.

c) Podacima u smislu stava b) ovoga člana ovlašteno lice, uskladu stava a) ovoga člana, ima u prostorijama škole ili putem IP veze sa druge lokacije ili mobilnog uređaja.

Član 14.

Pristup administraciji videonadzora, monitoringu i obradi podataka imaju i ovlaštene policijske agencije i ministarstva unutrašnjih poslova u Bosni i Hercegovini uz predočenje valjanog naloga.

Član 15.

Monitoring u realnom vremenu, u smislu obrade podataka, imaju i dnevni čuvari u prostoriji pomoćno-tehničkog osoblja.

VII ZAŠTITA LIČNIH PODATAKA

Član 16.

U skladu sa članom 21.a *Zakona o zaštiti ličnih podataka Bosne i Hercegovine* obezbjeđuje se zaštita i obrada ličnih podataka prikupljenih putem videonadzora:

a) Snimci pohranjeni putem videonadzora na određenom prostoru na osnovu kojih se može identificirati nosilac podataka predstavljaju zbirku ličnih podataka.

b) Kontrolor koji vrši vidonadzor dužan je donijeti odluku koja će sadržavati pravila obrade s ciljem poštivanja prava na zaštitu privatnosti i ličnog života nosioca podataka, ako videonadzor nije propisan zakonom.

c) Kontrolor koji vrši videonadzor dužan je na vidnom mjestu istaći obavještenje o vršenju videonadzora i kontakt putem kojeg se mogu dobiti pojedinosti o videonadzoru.

Direktor, kao ni bilo koja osoba, ne smije koristiti podatke o osobama prikupljene videonadzornim sistemom zaštite izvan njihove zakonske namjene, a raspolaganje snimkama dopušteno je samo direktoru škole.

Član 17.

Evidencija nad zbirkom ličnih podataka u smislu tehničke izvedbe videonadzornog sistema (arhivski videozapisi) definiše se članom 13. *Zakona o zaštiti ličnih podataka Bosne i Hercegovine*.

Evidencija nad zbirkom ličnih podataka nalazi se kod direktora škole (kontrolora videonadzornog sistema) pod nazivom „JU OŠ „ **Kovačići**“- Video nadzor obrada podataka“ u elektronskoj i print formi.

Evidencija iz stava 2 ovog člana sadrži obrađene lične podatke koje kontrolor procijeni da bi mogli biti od značaja u skladu sa članom 6 ovog Pravilnika.

Član 18.

Pravilnik podrazumjeva poštivanje člana 30. *Zakona o radu u Federaciji Bosne i Hercegovine*, koji se odnosi na postupanje sa ličnim podacima radnika.

VII PRELAZNE I ZAVRŠNE ODREDBE

Član 19.

Ovaj pravilnik stupa na snagu osmog dana od dana objave na oglasnoj ploči Škole.

Član 20.

Za tumačenje odredbi ovog pravilnika nadležan je Školski odbor.

Član 21.

Javnost se upoznaje sa sadržajem ovog Pravilnika putem službene web stranice škole.

Pravilnik o videonadzoru JU OŠ „ **Kovačići**“ Sarajevo je objavljen na oglasnoj ploči Škole dana godine, a stupio je na snagu godine.

Predsjednik Školskog odbora .

Broj: .

Dana:2019. godine